

廣雁蕩山誌卷十九

藝文 詩一



七言古詩

雁蕩山

唐釋惟一

四海名山皆過目就中此景難圖錄巖前逢箇白頭翁
自道一生看不足

雁蕩吟送秦文學還吳

元陳德永黃巖人

雁之蕩兮乃在甌越之野瀛海之埂有萬齒蒼鏡青天
東南形勝此其最我嘗著屐周覽於其間厥初宰物孕

廣雁蕩山誌

卷十九

藝文 詩

一

雄怪元氣混沌何由穿巨靈運斤鑿鬼竅列缺吐火施
神鞭遂令後爾萬萬古見此錯愕難為言上疑日車解
轡傾側過下恐地軸撓動相鈎牽昨夢尋君拂烟去有
擁芝蓋導我前崩崖旁豁瞰空洞迴溪不定行蜿蜒狂
雷砰訇起何處白龍噴薄飛層巔熊蹲豹擲若怒若啼
霞明霧湧倏閉倏開重重掩掩變幻不可以極今我方
矯首睨立乎雲梯南望海水不滿杯灣環下繞山足來
仰攀玉女駕笑踏飛鸞低羣仙集倒影雜佩中徘徊聳
身直上浩無際海月正掛吹簫臺於焉得深悟扶桑驚

天雞遽遽驚覺在枕席但聞落葉如雨風淒淒君來謝
我欲西邁惜此不及窮扶攜我知君身有靈氣世上塵
土胡能迷推仁澤物本我事成功斂退真奇哉碧桃花
發俟君到勿使引領雙眉摧

雁蕩高爲蒲溪修橋作廟道人賦

明章

綸樂清人

雁蕩高哉凌霄漢兮上聳層巒疊嶂千峰萬壑崔巍翠
嶽之重山下流淵泉支派長溪曲澗溢溢泛漲之狂瀾
衆水合流兮汙泮滙山口推開兩崖兮對距石關門中
涵大潭深莫測淵如碧海盈兩間時有神龍出沒兮蜿

廣雁蕩山誌

卷十九

藝文

詩

二

蜿蜒潭底早歲行雲施雨布澤沾人寰潭水下流汪洋
兮廣蒲溪之崖岸奔湍走石通海兮盪水漲之長灘吁
嗟行人兮南來北往温台路經蒲溪兮何其難或厲揭
病涉兮沒溺長吁嘆或僂僂提攜兮驚恐愁改顏美哉
道人作廬居此側造橋刹宇任往還遙見杠梁長虹駕
滄海兮行人履垣輕且僂又見虛堂靜院仙洞之桃源
兮若赴居室清且閒美哉道人兮菴居此地永久濟人
利物念民艱噫吁嘻世有在位君子推此心兮能使政
平訟理散財發粟不患不得蘇憚鰥

和沈憲副遊雁山韻

黃采
永嘉人

名山秀拔何穹然呈奇獻異滄海邊
朶朶青削芙蓉妍
雙鸞颯沓挾飛仙
玉女相從下九天
赤城閩海遙相連
神僧西來欲扣禪
銀河倒瀉落奔川
詎那宴坐支兩肩
繡旗高張墜壁前
鼇柱聳立凌長烟
歸龍洞口垂腥涎
手提卓筆揮彩箋
石屏醉寫紫霞篇
佳句驚人遠近傳
敏捷獨數烏臺賢
恨不追遊爲執鞭
海天雲樹徒聯蟬
嗟予性僻耽林泉
拂袂何當車
早懸飄然往
買數頃田
看山把酒終餘年

廣雁蕩山誌

卷十九 藝文 詩

三

憶遊雁山

朱諫
樂清人

三月採茶天未熱
曾向雁湖山頂歇
老樹玲瓏隔斷橋
石崖翠律排天末
靈湫一派自天來
時趁長風吹作雪
風消水落似銀河
日射飛虹吐還滅
人間勝地雖有之
獨此東南號奇絕
野老膏肓肺腑中
切莫猖狂向人說

雁村行樂歌次蕩南韻

章元梅
樂清人

芙蓉東村雁山下
村中到山不一舍
山人愛山結書巢
鑿屋懸崖牢構架
千峰老人巾墊角
醉眼驚看青黛落
尊開羨君古北海
履穿笑我今東郭
十年湖海霜復星

迷途不返空浮名歸來一見真隱處世上萬事鴻毛輕

雁蕩篇和許松臯韻

黃 綰 黃巖人

南條既窮轉而東山水秀異爭龍從中有雁蕩最奇絕
盤桓百里皆昭融山根拔地三千七百丈穹湖隱漫不
知何代曾沉鐘葦葭楊柳似非世間物但見鴻雁翩翩
飛來同我昔經觀猶記憶軒身直上倒看滄海華夷空
方壺倏閃萬狀瓊瓏或踞虎豹或蹲罷熊中天屹屹銅
柱出揚旗攢戟抗青雲而上攻忽漫丹臺掩映掛霞嶂
珠簾垂地聲淙淙雄風撼谷散作霧靄隨飛龍真元秘

廣雁蕩山誌 卷十九 藝文 詩

四

惜三萬載詎那卓錫發其藏兮至今樓閣憑蒼穹梵宮
十八踳復明四谷瑰詭浮烟容曲池湛綠水錦溪奔黃
狻天橋駕飛繩寒坑極幽雄石門中斷湖霧起下有三
井泯然皆神工方巖遙望羣山藁玉環跨海不可通南
溪仙亭遠相接括蒼迤邐何當窮我曾令夸娥負山半
夜聲隆隆須臾險怪會几席不須緣藤胼足宴然坐我
恬而冲澡垢入温泉平生畢深衷洞前願築一畝宮雲
霞不偶世簞瓢我將終矯首山水與之化誰猶議擬椎
鑿非人功君不見天地初判水火風大浸混沌崑崙崇

中古冰始消此山截鼻原在風水蕩激中

遊雁蕩山歌天柱峰月下作

侯一元

樂清人

尚平逸思乘春發星飯盤迴度林樾行攀霧雨不辭勞
到惜烟霞坐沉沒枕上愁吟聲正悲冷然坐覺天風吹
淨掃青天放紅日山靈一夕開雲涯初沿石瀨厲清淺
更訪雲臺陟高巖鼇簾蟲書手自摸蒼崖黃絹心能辨
春遊爛漫散晴暉海鳥江猿共息機祇從雲外遊籃輦
忽向山前逢白衣白衣山人孔文舉屠君亦是青霞侶
鐵笥相攜吹洞雲玉杯竝坐分仙乳山路俄驚白雨霏
廣雁蕩山誌

卷十九

藝文

詩

五

天邊遙指玉龍飛牛渚千尋懸組練驪淵萬斛瀉珠璣
輕吹巖霧縈風色寒舞天花凜雪威可是天孫落機杼
剪刀擲立何崔嵬崔嵬截鼻連天起復道撐天有天柱
屏風千疊張錦霞側翥雙鸞扶玉女樹杪初窺欣一笑
到來却立祇狂叫已訝高雲礙不飛更堪夜月孤相照
爾時山頭欲二更禪堂吐月寒飈生灑氣空濛灌絕頂
明星迫窄愁孤撐澗戶時時猿一嘯春風澹澹鴻蜚鳴
山人杯斝羅前庭舉頭仰視天宇清中天一道破深碧
影入虛無連紫冥吾聞八柱撐青天共皇一怒天柱并

穹厓剝落赴東海獨留此杆支天傾卓筆書空何崢嶸
展旗上獵蚩尤精雲間乍歇彭鏗杖月下遙聞子晉笙
嗟我馳驅走京洛半生蹤跡違蓬瀛鏡裡行看元鬢改
巖間空對紫芝榮何時拂衣解印組鑑湖一曲隨漁父
古洞黃精帶雪鋤春澗龍團乘月煮舉觴問月月不留
古來才傑多愆尤謝公蠟屐苦不透千載榮華成古邱
男兒遊當千仞天柱峰濯當萬里雙龍湫安能趁趨偃
僕向高貴蝨禪豨鬣生煩憂

同鄭崑巖中丞憇靈巖周覽諸勝中丞約予築室

廣雁蕩山誌

卷十九

藝文

詩

六

上方醉後放歌

何

曰永嘉人

萬山黛色橫高空一磴潛與風雲通
遡風躡雲窮僻篠昆邱羣玉抽玲瓏
混沌初開元氣裂想見雕鏤愁化工
雙闕璠臺關紫府芝蓋桂於明翠羽
星海真源接雁湖絳河練色低天柱
丹障寒蒸太始霞石屏晴噴靈湫雨
玉女烟青十二鬟彩雲欲駐雙鸞舞
蟾蜍不敢薄陰精殘夜天窓日初吐
蒼龍天矯驕未醒玉乳鼻端吹栩栩
鄭夫子丹邱生谷口君爲子真後琅函
舊注安期名手翳綠芙蓉飄颻遊紫清
我亦鞭龍出巖扃天台委羽但

咫尺杯中一綫搖滄溟對博山隅行六箸殘棋石上癩
明星帝之弄臣玩人世夕憇棗館晨椒庭安能隨齷齪
啄腐而吞腥君言上方足靈氣攬結清暉還此地看君
姓氏早登宸以我風神應度世玉笥虛藏五嶽圖名山
坐挾千秋闕金壺七返飛黃芽琴心三疊朝東華閒從
瓊畛種瑤草醉向天壇眠落花君不見青蓮居士李太
白司馬子微相賞識逍遙爲賦大鵬篇揮手青天游八
極

雁蕩山歌贈項叔定

廣雁蕩山誌

卷十九

藝文 詩

七

東維之東大海傍萬山簇簇如驅羊氣奔勢蹙忽騰驤
激而上干嚙穹蒼下蟠水國龍所堂撼波簸濤吹滂洋
洗滌土膏氣寒滄神掌鬼工剖元黃廉隅圭角森以張
屏展障銳切星芒雲謠霞詭爛天章陰洞陽產偃虹梁
烏巢燕龕綴蜂房雁湖初日浴扶桑龍湫濺瀑輸銀潢
厥木松桂梗楠樟厥草蒲朮芝芋薑近閱百齡遠千霜
緣巖絡谷冬芬芳吾聞五嶽奠五方德配四瀆秩侯王
五嶽之外莫詮詳茲山獨立當大荒譬彼介士潛幽鄉
飢擷瑤蕤渴瓊漿域中釋戀薄羶薌眼中之人叔子當

金光引年宜壽昌被褐懷寶符采彰
佩蕙帶薜荔裳風髯雪貌水玉腸
鼓腹行歌慕軒唐首出金石清琅琅
與君慶育山之陽撰杖逍遙頻聚糧
元熊赤豹駕兩襄紫鸞黃鶴相翱翔
書成托之夔萃藏繆谷有時發幽光
百年一瞬未渠央兀與大椿絜靈長
我言非誇亦非狂君其問之漆園莊

楊龍友遊台雁還却贈

蔡如蘅人

溟濛一夜風雷吼電光閃爍星河走
驅使五丁下宮闕鞭策六鼇出海口
楊君愚類愚公愚移將雁蕩問長途
廣雁蕩山誌卷十九藝文詩

八

猶怪嶙峋費收拾鑿成片片付奚奴
奚奴之囊大於斗雙鸞瑞鹿無不有
玉女思上載花船老僧欲醉天涯酒
烟深草濕長莓苔霞城秋色自西來
百尺喬松千丈瀑更藏餘力摧天台
鍾阜落孤雨幽人今已還傾囊坐我
茗爐間高堂層疊吐空山不見斑痕
留鬼斧但聞石梁之水鳴潺潺

華壇望雁蕩山歌贈方十八未生朱十八振嘉

國朝朱彝尊人秀水

我昔逢羽人迢迢歷滄海貽我神山雁蕩圖
玉笈金箱

至今在夢想忘歸亭上遊琪花瑶草幾千秋崩流一萬
丈濯足大龍湫邇來作客荒山道欲往層崖事幽討方
君遇我顏已親朱子更覺人情好攬環結珮山澤間樂
酒今夕須歡顏登華壇之絕頂眺雁蕩之迴巒雲容容
兮欲雨水嘈嘈兮下山遙岑出沒不可以悉數但見哀
禽離獸日冥而俱還君不見宗少文當年意興真軼羣
名山卧遊不得見眼前圖畫空紛紛君不見謝康樂跡
近名山遠城郭咫尺丹梯竟未登江南江北徒邱壑我
今得偕二子從遙看一百二高峰彈琴坐待天邊月攜
廣雁蕩山誌

卷十九 藝文 詩

九

手同行石上松荆榛極天路參錯惆悵平生遠遊諾安
得仙人相贈九節筇招爾雲中兩黃鶴

甲戌閏夏道經雁蕩晤指南上人以雁蕩山誌序

請予校士未暇應成詩四十韻錄留一粲

雷 鉉 寧化人

此行未到天台遊道經雁蕩豁雙眸隔宿黯黯陰雨至
月影半出雲偏稠凌晨衝嵐插霧入石梁古洞氣焯焯
南閣北閣渺無際老僧拜石類雪零賈勇直登謝公嶺
東海旭日升紅毬四山濛氣頃刻散陰闔陽開神力周

同人躋勝齊把臂遇雨忽晴喜且謳曲盤躡跡雷轟洞
石泉冷沁夏疑秋峭骨森羅千萬狀奇奇怪造物顛
或如搢笏端拱立或如委佩窳稽謀或如比肩標競
或如同類相追求或如美人擁高髻或如壯士著兜鍪
或如虎嘯如豹隱或如介馬如喘牛或如靈芝與玉筍
或如筆卓與旗旂十里五里易一境石屏鐵障稱雄道
山僧指點龍鼻水一噓一吸滴無休攀崖陟磴脚力困
馬鞍峰峻與天侔自上下下險且枕喘息莫定心悵惆
牽連如猿到平地輿從疲憊問歸不忽來指南有妙相

廣雁蕩山誌

卷十九

藝文 詩

十

能仁寺僧
名指南

蜿蟺導引大龍湫彳亍不計路險易策杖度

礪肯遲留懸巖絕壑不知數叫絕千古此爲尤瀑布瀉
下五千尺變化無端莫訊由空中懸散疎或密橫斜曲
直戛琳球聚者滾滾如匹帛散者絲絲如垂旒疎如湘
簾密如織直如釣線曲如鈎橫者隨風分左右斜者紛
披任所投近之霏霏如小雨遠望滃滃如烟浮呼吸感
應更奇處羣聲一喊輒湧流或云突過匡廬水豈特名
勝壓東甌東西各分內外谷馬鞍一峽爲中抽奇峰古
蹟難遍歷大概且付奚囊收昔者同安陳將軍翩翩緩

帶而輕裘力搜雁蕩覓靈異

靈峯雁蕩二大字古跡陳公剔蘇出之建有靈異亭

芒屨直上雁峰頭日色澄霽天尺五下有雷雨鬪蛟蚪
南顧閩粵在几席北叅泰岱頰埏邱東控滄海西川陝
俯視一氣凌方州際此劃然一長嘯天穹爲廬地爲舟
遙遙我向山靈約端的此願何時酬

遊雁蕩山

侯靖堂邑人

地維南缺滄桑改崑崙砥柱失光彩誰奪仙窟留人間
不隨三山東淪海絕羨山靈善包羅盡縮壺天入嵯峨
我來欲覓偷桃客神物不敢相攜訶就中一境開佛土

廣雁蕩山誌

卷十九 藝文 詩

七

環以清都羣玉府聽溜如聞毛女琴碣澗疑過馮夷鼓
便拍洪厓挹浮邱松篁深護九重樓欲尋琅函不知處
空嗟芝房路阻修見說仙壇臨丹井銀屏瑤柱相向冷
留將世外閒風月付與猿鶴爲管領誤入層城岫屈盤
空臺四望戈戟寒不有雲車迴絳闕連峰占盡綠疇寬
徑碾玉沙尋瑤草曲竇斜通巖陰杳搖空電影透玲瓏
餐霞客踪穿窈窕最是化工費鋪張東谷西谷兩分疆
不假鴻溝劃楚漢卻憑媧煉割陰陽馬鞍陡出諸天外
恍疑隔絕兜羅界輿夫側足猿猱行懸崖飛度魚鳥怪

仙源剪斷半嶺烟路徑籐梢棘刺間雙練垂虹來何許
錯疑銀河落九天乃知境絕轉竒幻倏忽俄作蜃市看
地隘渠流環螺殼峽窮井絡通雲棧天爲証羅存精舍
石花叢碧光相射鳥唱來酬梵唄風泉鳴虛應昏鐘夜
我聞丹芳近芙蓉隔斷紅塵千萬重定有巨靈司鎖鑰
山深不用丸泥封

雁蕩行

崔應階
三楚人

嘗聞天地靈異生雁蕩竒峰峭壁紛相向我生幼卽歷
東甌弱齡已切高山仰不道而今六十年越山閩海歸
廣雁蕩山誌

卷十九 藝文 詩

三

於掌戊子之秋時和豐政暇結伴來追賞登山涉海幾
千重甌江飛渡心何爽初過平陽亦有峰南雁難同北
雁倣輕輿直到小芙蓉丹芳嶺已遙相望四十九盤到
上頭羣峰卓立雲磨盪西望外谷五招提石門凌雲霧
雨漾寶冠烟迷大覺荒空存古塲無龍象下過內谷度
行春能仁古剎何高敞烟氣猶薰火焰峰誰遺三昧燒
屏嶂循溪合掌拜觀音一瓣青蓮矗天上瑞鹿峰橫對
寺門千佛巖成千佛像依崖傍水入龍湫疋練乘空一
千丈隨風飛灑雪珠圓有時怒吼銀河漲問源上是白

雪菴更有懸流天際瀆回看側有剪刀峰削立千尋無
依傍剪得天花到處飛滿林紅紫隨風颺峻嶒嶺外誦
經巖飛來羅漢藏篆芬普明天柱與華巖未能一一窮
其往拄杖東行上石城曲磴盤空馬蹄響行人揮汗陟
其巔石梁誰鑿梯痕狀我馬瘡矣我僕痛老夫鵠立方
無恙遙看隔嶺有飛泉觀音髻挽雲峰上下經東谷更
幽竒靈巖且就僧厨餉豪興還將餘勇留攀崖又到小
龍湫雙鸞如髻罷梳洗王女珠簾不上鈎閒着冰絲倩
誰織鮫人貪弄水晶毬半壁彩分霞嶂色一彎翠擁石
屏秋別有孤峰號天柱拔地凌霄孰與儔誰化老僧向
巖拜頑石何曾解點頭再入僻徑更窮劣十步五步恒
思休牽藤摩壁窮力上碧天一線峽間浮怒龍倒掛如
吸水鼻中滴滴懸珠流石鱗苔甲欲飛動但聞寒谷風
颼颼熱腸到此如冰冷塵襟滌淨煩囂收還尋舊路探
前勝一抹斜陽山更幽鐘聲隱隱來何處卧峰橫起如
伏牛問訊知爲淨名寺老僧接待情殊周放下蒲團飽
僧飯繞寺還從鐵嶂遊聽詩石叟只枯立雲際無人與
唱酬沿溪更探維摩洞天光雲影空悠悠偶然爆竹震

林谷號啣叫跳奔猿猴妙蓮花上月華滿酣眠禪榻他
無求夢回不覺東方白又整芒鞋尋壑邱輿人指畫雲
峰好如簪如笏難窮搜東谷峰巒觀止矣獨遺真濟真
無由振策又過謝公嶺靈運無緣輸一籌逾嶺便出東
外谷老僧巖畔候鳴騶不向石梁遊古洞雙峰空鎖暮
雲愁歸來促筆記遊歷香吏翻成俗吏羞

雁宕行

陳夢說
河東人

雁宕之山天下奇雁宕之奇天下知粵從載記艷絕勝
我來越中路多岐行役兩甌海濱地積雨初晴暮春時

廣雁蕩山誌

卷十九

藝文 詩

丙

遙指崇隆在天表相將朋輩共連騎從容馳入西南谷
四圍青山一流目南山之北起高峰一石孤立當林麓
天工莊嚴此彌陀半坐半跪科頭禿呼曰老僧肖其形
羣峰三五此獨獨謝公嶺上稍徘徊對面驚見兩峰開
左徑右溪紆曲入疊障削壁小蓬萊一峰插天幾千仞
劈破深巖亦幻哉內外珠簾光映日百股懸泉滾滾來
泉題洗心何人洗洞名靈峰真崔嵬迤邐西去有異址
石屋傍巖淨名是高下巒與起畫圖竹樹蔽徑遶澗水
籬下雜值半奇卉僧言止在此山裡問以何名語喃喃

越語不入晉人耳肩輿西去尋靈巖鬱鬱蒼蒼滿松杉
鳥道崎嶇不可上相憑僕從共扶摻靈巖古剎絕壁下
絕壁凌霄勢若鏡斜起孤峰亦千仞渾成鐵鑄嘆不凡
天柱峰高俯羣石如劍如筆如檣帆攢拱林立各削直
峻拔竒特驚天曉步入曲徑通幽處噓噓喘汗透重衫
竚立仰視靈巖洞孤峰入雲何窿從環洞樟楓盡婆娑
石磴蹒跚心懵懵虎蹲石俛龍爪垂一滴潺潺出石孔
龍鼻一滴洗日明勺水試之羣大啐座中不信笑者誰
幕客繆君試縣董靈峰顚顚落明珠靈巖百丈滴一汞
廣雁蕩山誌

卷十九 藝文 詩

五

龍湫瀑布有大觀梯雲西上踰馬鞍谷外左旋三五里
山谿傾仄水激湍剪刀展旗峰爭秀高巖橫空峙雲端
瀑布噴出千尺線天外銀河倒掛寒如雪如雲如驟雨
忽左忽右風中看灑浸衣裾飄餘潤朋儕相視各驚嘆
西湖天台難比數貯目不盡幾盤桓返經能仁七七嶺
芙蓉名村授館餐挑盡殘燈記雁宕筆跡語澁愧高唱
同人視吾志遊篇不是人間是天上

遊雁蕩

張顯謨 永嘉人

巨靈一怒挾氣母元精紛綸蕩真魄劃然神谷落天門

百二奇峰向空擲，擲空飛下東海東。插地朵朵青芙蓉，
剩石亂蒐蹲虎豹。奔泉難縛生蛟龍，高標日月時礙行。
天柱不愁東南傾，紆迴瓊海三千島。縹緲瑤京十二城，
峰峰異形怪莫狀。真宰不惜露心匠，始信一生看不足。
縱云五嶽尊弗讓，君不見子房年少遇黃石。功成一舉
餐赤松，吾生十八無奇遇。行春橋上覓仙踪，又不見季
真歸來乞鑑湖。鑑湖一曲泛清波，願勅雁蕩爲家山。日
日溪頭踏綠莎。

題雁蕩山圖寄元圃叔父

項宗棻

仁和人

廣雁蕩山誌

卷十九 藝文 詩

七

雁山瀕海峰際天，千朵萬朵芙蓉連。長風吹月度烟海，
一片直挂層峰巔。巔峰巔雁湖，浸十里下有萬古蛟龍淵。
東南奇秀有如此，何人紙上驅雲烟。温台舊落坡老手，
遠烟空翠紛眼前。至今圖牒補前志，令人目斷滄溟邊。
吾家叔父無一錢，樂清官舍冷二年。書來不嘆飯不足，
但喜地僻能安便。我今跼步守鄉土，佳處豈乏湖山緣。
題詩忽發遠遊興，幾時可辦青行纏。

題李潔溪雁山三十六景詩後

余國鼎

瑞安人

吾甌名勝首雁蕩，百二奇峰皆倣儻。鑿開混沌鍊化工，

輿境靈區恣遊賞先生豪放今謫仙杖策登臨憶往年
天台洛君東道生把臂彌月相留連酒酣卽景逸興發
擲毫潑墨掃雲烟層巒晴對雙飛瀑遂谷秋窺一綫天
當時風日正重九羅漢飛來欲招手清嘯一聲碧落開
雙鸞起舞獅子吼行尋二仙與談詩巖前忽遇聽詩叟
洞懸初月照珠簾旗展高崖拂松牖一磴穿空見雁飛
石門潭水遠澄澄仙人橋畔雲隨屐玉女峰前翠滴衣
更上重樓俯秘閣觀音峰高蓮花落淨瓶傾作梅雨聲
響玉琤琤動巖壑行過星橋度石梁錦溪步步足徜徉

廣雁蕩山誌

卷十九

藝文

詩

十七

回頭笑把老僧臂抱石不起雲茫茫雙笋嶙峋高百尺
雪風洞口水簾白天冠轟漢勢叢叢剪刀裁出秋雲碧
驪龍夜宿領含珠鼻端噴乳灑烟蕪隱隱雷巖聲相答
若爲騷客助酣呼山靈更與如椽筆天然秀卓一峰孤
洛生意氣亦洒脫有酒還應傾百壺貽我新詩三十六
燦爛珠璣光滿幅靈峯突兀恍飛來一一遊蹤如在目
嗟余扁戶長蒿蓬落拓半生空碌碌名山佳勝昔曾聞
詩句瑰奇今始讀一回讀罷一神馳勝景從茲入夢思
何日掛帆攜屐去山之巔兮水之湄

靈巖寺小憩觀西內谷諸峰及小龍湫龍鼻水用

唐人陸渾山火詩韻

阮元儀徵人

靈巖直氣常渾渾莫測其巔窮其源惟天敢壓海敢吞
安禪洞口雲舉軒如岱封中柴煙燔覆鐘撞恐驚九原
萬鈞銑隧載厚坤霞屏連嶂丹無垠東曉魏闕環高垣
響巖互答聲在門虧蔽高春藏朝暎石室破漏啼清猿
白雨潭暖泳水龜上方禪殿銘翔鷗拾級汗出勞子弁
擎并在錫神朗尊太平興國開祇園廣巖興廢碑石繁
我來宴坐息衆喧水樂松吹調篳埙游心自動慚風幡

廣雅

卷十九 藝文 詩

七

騎從直詣花下禪以水盥手石坐臂還顧險塞臨轆轤
帶圍廓落若脫韃衆質健足皆辭轡展旗峰潤飛雲帟
溫泉水熱鷄燻燻雙鸞西棲爭騫屯玉女櫛頭無洗盆
小龍湫瀉傾天罇丹壙翠壁流言言劍鋒水激向上翻
衝擊石案誰能反天柱千仞日難暖不及見末徒見根
一比衆碣皆兒孫老僧跼石屈膝跟獨秀不受攀附恩
眼前惜無酈道元金藏玉簡雜逕援山經細與鼉精論
更有石龍謫九天蜿蜒夾入蒼山痕綠洞上見驚心魂
鼻涕一尺如言寃竒想妙契心存存日飽志屢忘朝餐

遊嶽不待畢嫁婚况禽與向吾友昆矍然豹擲而龍蹲
翩然風舉而雲驚足繭踵決不敢怨一邱一壑亮遂鯤
但不能端玉崑崙陽鳥飛懸景曷昏幽谷莫遣松明焚
谷口候者實已煩臨行石壁三回捫

將之雁蕩前一日宿芙蓉村

李鑿宣

靜樂人

村以花名山以鳥名西方世尊說牟偈至今震旦蓮花
生泉聲琤瑤逗疎雨石骨道峭撐秋坪人家三五晚煙
起叱犢歸趁茅檐晴竭來此間日已暮且投村舍支茶
鐺詰朝襍被入山去山靈招手應相迎

廣雁蕩山誌

卷十九

藝文詩

九

己巳九月與吳誠齋康達夫遊雁宕山

方鼎銳 儀徵人

永嘉山水仙窟穴東海雁宕尤奇絕百二高峯不可名

嵌空疑是波濤鬻我來東甌已兩年未嘗蠟屐登其巔

山靈得無笑我俗空有痼癖隨雲烟秋來海上整師旅

問俗還經木榴嶼 玉環廳地方本木榴嶼 歸途信宿芙蓉村墻頭

已露山岨崕四十九盤嶺路艱筋竹之澗何潺潺西谷

峻嶺峙馬鞍蠶叢鳥道相躋攀康侯年少健腰脚登躡

輿高殊踴躍主持遊事有吳公二僮挾之登高空初入

廣雁蕩山誌 卷十九 藝文 詩

三

能仁寺寥寂佛無香火僧無錫元祐大鑊半沈埋土花

斑駁青如滴對門火焰有奇峰作鎮或云藉鼎鑿戴辰

峰下行春槁潭水霞暎聲喧囂東入靈岩應接苦不暇

龍鼻甘泉下注山之腰天柱高峰挿雲表溫泉石室何

迢遙一僧拜石真靈透雙鸞捲圖在其右石罅遙見小

龍湫卓筆峰前瞻獨秀薄暮驅車入淨名老僧爲掃綠

莎廳蔬飯果腹勝肉食雙足欲繭此暫停文達文定有

題句 吾鄉阮相國朱尙書均有題壁詩 提燈細讀字如星清晨出觀蓼

花障石壁天成平且曠老猴披衣若有神珍珠點滴垂

天貺仰視石梁環若城飛雲挾山迷遠望更上靈峰三
百六十級古洞天開泉溜急一僧趺坐古鬚肩白雲雲
外堪平攝白雲庵下大龍湫絕壁倒懸千尺流忽如烟
霧忽組練隨風搖曳神龍猶忘歸亭下席地坐得地爭
如諾詎那忘歸亭已其地爲唐時諾詎那尊者坐化處乍驚拂面雨霏霏疑
是九天落咳唾回頭更望剪刀峰雙穎摩天百鍊鋒轉
瞬又作一帆影步移形換出奇層不窮夕陽漸欲下西
嶺欲借餘光覓好景二客力倦足趨趨仍發豪情遊目
聘聞說雁湖之高不可接尙隔雲山幾重疊霞客遊蹤
廣雁蕩山誌卷十九藝文詩

三

且未搜我輩應難更追躡二靈勝概已盡探足誇勝事
恣清談明年鼓興訪東谷爲語二客且莫貪

送盤谷山人遊雁蕩

方觀準

我聞雁蕩山隆隆倚江跨海澗之東上接天台氣勢雄
脈絡直與相交融最勝怪狀百二峰嶽崎兀參化工
名村入境稱芙蓉四十九盤殊龍從西谷忽闢靈境通
能仁禪寺居其中飛泉地勢何玲瓏石梁古洞烟雲蒙
南閣北閣摩蒼穹蓬萊仙境誰追從龍湫千仞垂白虹
忘歸亭外雨濛濛視茲勝跡渺無窮猥云靈秀遜華嵩

籃輿藜杖供遊蹤雙屐不到惜謝公方今康子遊興濃
乘槎海上疾如風雙足不枯口不封爲言雁蕩霜林紅
欲寄逸興隨飛鴻出門大鑿闢洪鐘人生萬事如飛蓬
何事牽繫苦衰癯俯仰邱壑無樊籠得意拍手真山翁
雁湖秋水明融融滌硯濡墨書碧空狂歌浩浩誰與同
陋煞世人盡癡聾不解尋樂心忡忡似君磊落真趣充
我爲君詩寫君胸樂官解聽轉歌隴笑我秉性真疎慵
閉關無事遊山筇且待歸時把酒鐘籬前共賞新菊叢

廣雁蕩山誌

卷十九 藝文 詩

三

廣雁蕩山誌卷十九終